



Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 101. Conditiones pro restituendo Veltlinio ab Hispano Governatore
propositæ.

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

Mafoxensem ablegarunt, quos ta-
 men Hispani dissiparunt, fuderunt, & A. C. 1621.
 interceperunt, sed hi paulo post tamen
 a Calvinistis maximo numero confluen-
 tibus retrocedere coacti sunt, compre-
 hensis eorum octodecim, cæsis vero
 quadraginta.

§. CI.

*Conditiones pro restituendo Veltinio
 ab Hispano Governatore
 propositæ.*

Jam anno priori non modo Veneti, sed
 etiam Ludovicus XIII. Franciæ
 Rex Veltinium in integrum restitui la-
 borabat, hancque in rem ad Rhetios
 Bassompetram Legatum suum decre-
 vit, qui incommodum, quod ex hac
 ditione & transitu ab Hispanis occu-
 pato, Galliæ Regno imminere noverat,
 avertere nitentur: Hoc cognito Fe-
 rriæ Dux Governator Mediolanensis
 pacta, quæ itidem anno priori cum
 superioris Rhetiæ legatis conceperat,
 ad effectum deducere maturabat: Igi-
 tur universæ Grisonum Reipublicæ se-
 quentia pacis capita proposuit. I. Pax
 inter Grifones & Mediolanenses perpe-
 tua esset, & duodenis annis elapsis in-
 stauraretur. II. Veltinium Grisonibus,
 cum omnibus privilegiis, & immuni-
 tatibus

*Ferrer. Hist.
 Hisp. cap. 2.
 t. II. p. 343.
 Bellus l. c.
 Theatr. Hist.
 cap. I. p. 6.*

Sæc. XVII. A. C. 1621. tatibus relinqueretur, his tamen conditionibus, ut præter Romano-Catholicam, religio nulla ibi exerceretur.

III. Jurisdictio Ecclesiastica ad Comensem Episcopum tota pertineret. IV. Tridentini Concilii decretis, & novo Calendario uterentur. V. Exules religionem Evangelicam profitentes bonis suis fruerentur, ac bis in anno redire ipsis liceret, sed ultra duos menses singulis vicibus ibi non manerent, nec cum uxoribus, filiisque habitandi occasionem ibi quærerent, & offendiculum Catholicis nullum præberent, Ecclesiasticas vero constitutiones, si violaverint, ab Hispanis plecterentur.

VI. Consuetudinibus, & statutis suis frui Veltlinianis Grifones permetterent. VII. Propugnaculum ad Rivam Hispani annis quinque retinerent, iisque finitis, cum Puslinensi propugnaculo solo illud æquaretur. VIII. Præsidarii in Veltlinio per annos octo tolerarentur, Castrum vero Sonderense tormentis nudaretur, & claves Tiranniensis & Morbienenensis oppidorum penes foederatos essent. IX. Transitus defensiva tantum Hispanis per Grifones pateret, hac addita declaratione, ut per Rhetiam tendentes, inermes, per Veltlinium vero, armati, sed nonnisi ducenti uno die transfirent. X. Præsidarii ab omnibus

nibus negotiis, & actionibus tam ci- Sæc. XVII.
vilibus, quam criminalibus abstinerent. A. C. 1621.

XI. Rebellionis suæ veniam rebelles haberent, nec cædis perpetratæ pœnam ullam luerent. XII. Hispanus contra Rex, mille & quingentos Ducatos quotannis Grisonibus solveret. XIII. Militem expetenti Hispano, non ultra viginti quatuor, nec minus tamen, quam duodecim vexillationes mittere Grifones tenerentur. XIV. Stipendium cum aliis commune haberent. XV. Hispanus foederatos Grifones contra omnem externam vim tueretur. XVI. Restitutio Veltlini primariis tantum Grisonibus, & iis, qui capita hæc amplecterentur, fieret, illisque patrocinium paratum esset, reliqui vero, qui tractationem hanc amplecti intra mensem unum, atque alterum non velint, pro manifestis hostibus perpetuo haberentur.

§. CII.

Alia concordiaæ pacta a Galliarum Regis Legato proposita.

Cum autem Grifones Calvinistæ suam sectam e Valtelinio eliminari, & Tridentinam Synodum introduci, iniquissimo ferrent animo, avide ex Hispania redeuntem Bassompetram Franciæ Legatum

Hist. Eccles. Tom. LVII.

Y gatum